



Broj: 10-1-34-12465-5/22
Zenica, 13.11.2023. godine

Redovnim osnovnim školama,
Gimnazijama i mješovitim srednjim školama
koje u svom sastavu imaju gimnaziju,
Mješovita srednja škola Tešanj
n/r direktora škole
putem e-maila

Predmet: Obuka školskih timova za podršku pilotiranju novih nastavnih planova i programa (predmetnih kurikulumu) u redovnim osnovnim školama i gimnazijama – *poziv*, dostavlja se

Ministarstvo za obrazovanje, nauku, kulturu i sport Zeničko-dobojskog kantona i Pedagoški zavod Zenica, kao upravna organizacija u sastavu ovog ministarstva, u saradnji sa Organizacijom za sigurnost i saradnju u Evropi – Misija OSCE-a u Bosni i Hercegovini, implementirali su u proteklom periodu Projekat "Kvalitetno obrazovanje kroz kurikularnu reformu". Ovaj projekat uključivao je podršku Misije OSCE-a u Bosni i Hercegovini resornom Ministarstvu u pogledu unapređenja kvaliteta i inkluzivnosti obrazovanja kroz razvoj predmetnih kurikulumu za osnovno i srednje opće obrazovanje (gimnazije) zasnovanih na ishodima učenja, u skladu sa dokumentom Zajednička jezgra nastavnih planova i programa definirana na ishodima učenja u Bosni i Hercegovini, koji je donesen od strane Agencije za predškolsko, osnovno i srednje obrazovanje u Bosni i Hercegovini.

Urađena su 53 predmetna kurikulumu za redovne osnovne škole i gimnazije bazirana na ishodima učenja a isti su dostupni na Platformi <http://kurikulumpzdk.ba>. Nakon ove aktivnosti Pedagoški zavod Zeničko-dobojskog kantona je utvrdio prijedlog Nastavnog plana i okvirnog programa za osnovnu školu (25 predmetnih kurikulumu) i prijedlog Nastavnog plana i programa za gimnaziju (28 predmetnih kurikulumu) i navedene prijedloge uputio prema resornom Ministarstvu s ciljem njihovog donošenja. U školskoj 2022/2023. godini odvijala se posljednja projektna aktivnost, tj. pilotiranje predmetnih kurikulumu po sukcesivnom modelu (u 1. i 6. razredu osnovne škole, te u 1. i 3. razredu gimnazije). U ovoj projektnoj aktivnosti je učestvovalo 35 škola (29 redovnih osnovnih škola, 5 gimnazija i 1 mješovita srednja škola koja u svom sastavu ima gimnaziju).

U školskoj 2023/2024. godini, a shodno odlukama objavljenim u "Službenim novinama Zeničko-dobojskog kantona", broj: 12/23, nastavljeno je sa primjenom nastavnih planova i programa (predmetnih kurikulumu) na sljedeći način:

- a) *Sveobuhvatna edukacija i pilotiranje novih nastavnih planova i programa (predmetnih kurikulumu) u 1. i 6. razredu osnovne škole te 1. i 3. razredu gimnazije/mješovitih srednjih škola koje u svom sastavu imaju gimnaziju;*
- b) *Sukcesivni nastavak primjene u osnovnim školama i gimnazijama/mješovitim srednjim školama koje u svom sastavu imaju gimnaziju, a koje su bile uključene u fazu pilotiranja u školskoj 2022/2023. godini (odabrana odjeljenja 2. i 7. razreda osnovne škole, odnosno 2. i 4. razreda gimnazije).*

U mjesecu novembru 2023. godine Pedagoški zavod Zenica u saradnji sa Misijom OSCE-a u Bosni i Hercegovini realizira dvodnevnu obuku Školskih timova za podršku pilotiranju novih nastavnih planova i programa (predmetnih kurikulumu) u redovnim osnovnim školama i gimnazijama. Sve redovne osnovne škole, gimnazije i mješovite srednje škole koje u svom sastavu imaju gimnaziju i Mješovita srednja škola Tešanj, a koje u školskoj 2023/2024. godini učestvuju u pilotiranju novih nastavnih planova i programa (predmetnih kurikulumu), u obavezi su da formiraju Školski tim za podršku pilotiranju novih nastavnih planova i programa (predmetnih kurikulumu).

Školski tim za podršku pilotiranju novih nastavnih planova i programa (predmetnih kurikuluma) treba da broji tri člana (direktor ili pomoćnik direktora škole, po dva nastavnika predmetne nastave u osnovnim i srednjim školama ili po jedan nastavnik razredne nastave/predmetne nastave u osnovnim školama uzimajući u obzir specifičnosti svake škole).

Prilikom formiranja Stručnog tima za podršku potrebno je uzeti u obzir:

- ranija iskustva direktora škola, pomoćnika direktora škola, nastavnika razredne i/ili predmetne nastave, nastavnika u srednjim školama na izradi predmetnih kurikuluma (voditelji ili članovi predmetnih radnih grupa);
- učešće u recenziranju predmetnih kurikuluma;
- učešće u pilotiranju predmetnih kurikuluma u školskoj 2022/2023. i 2023/2024. godini;
- trenerske vještine članova, tj. ranije učešće u realizaciji različitih vidova stručnog usavršavanja;
- motivaciju za učešće na obukama i razmjenu iskustava kroz interna stručna usavršavanja, pružanje podrške u okviru profesionalnih zajednica za učenje i sl.

Podatke o članovima Školskog tima za podršku pilotiranju novih nastavnih planova i programa (predmetnih kurikuluma) potrebno je dostaviti na e-mail adresu Pedagoškog zavoda Zenica ped.zavod@zdk.ba najkasnije do **15.11.2023. godine**, kako bi se blagovremeno mogle izvršiti pripreme za organizaciju obuke. Osim imena i prezimena učesnika, potrebno je navesti stručno zvanje/naziv i podatak da li je potrebno noćenje u hotelu 22.11.2023. godine. Misija OSCE-a u Bosni i Hercegovini je u mogućnosti da osigura noćenje u hotelu 22.11.2023. godine za sve učesnike koji dolaze iz općina Tešanj, Doboju Jug, Maglaj, Vareš, Olovo i Breza.

Obuka članova Školskih timova za podršku pilotiranju novih nastavnih planova i programa (predmetnih kurikuluma) u redovnim osnovnim školama i gimnazijama, mješovitim srednjim školama koje u svom sastavu imaju gimnaziju i Mješovitoj srednjoj školi Tešanj, realizirat će se **22. i 23. 2023. godine u Hotelu "Zenica" u Zenici sa početkom u 9:00 sati**. Dnevni redom je predviđeno da obuka traje oba dana najkasnije do 16:00 sati.

Obuku će realizirati eksperti koji su angažirani od strane Misije OSCE-a u Bosni i Hercegovini (prof. dr. Boris Jokić, prof. dr. Jasna Kovačević, prof. dr. Alica Arnaut i prof. dr. Amer Ćaro), uz podršku uposlenika Pedagoškog zavoda Zenica, a konačan dnevni red će biti dostupan svim učesnicima prvi dan obuke. Napominjemo da je na obuku potrebno, za jednu školu, ponijeti jedan laptop koji će se koristiti u praktičnom dijelu, tokom prvog i drugog dana obuke.

Za sva pitanja u vezi navedene obuke možete kontaktirati stručnog savjetnika za oblast obrazovanja koji je ovlašten za obavljanje pedagoško-stručnog nadzora u Vašoj školi.

S poštovanjem,

DOSTAVLJENO:

1. Naslovu
2. a/a

